



IJWI RY'UBUHANUZI

ISHURI RYA BIBILIYA

MWIPOSTA

B.P. 1710

— BUJUMBURA —

BURUNDI

ICIGWA CA 5.

ABANA B'IMANA BAHU UMWANSI WABO IYI SI.

Umurongo wo kwibukwa : « Ukora icaha wese n'umuja w'icaha. » Yohana 8 : 34.

URWINJIZO.

Ni nde yaremye isi n'ivyo vyose tubona kandi abibeshaho akongera akabiganza ? Woca wishura udatevye uti : « Kukw Imana ari yo yaremye iyi si, n'ivyayo. » « N'iv'y'ukuri isi n'iy'Imana kuko ari yo yayiremye. » Igihe Imana yarema iyi si yaremye n'umuntu wa mbere Adamu ngo ayirongore. Kuko Adamu ari we yagize umurinzi w'isi ngo ayibungabungire Imana. Yamushizeho ngo abe icariho c'Imana ngo ayitegekere ibintu vyose vyariho. Itangiro 1 : 26, « Imana iravuga, iti « Tureme umuntu mw ishusho yacu, ase natwe, aganze amafi yo mu kiyaga, n'ibirugura mu kirere, n'ibitungano, n'isi yose, n'ivykwega vyose, bigenda bikwega inda hasi. »

None iryo ntiryari iteka rihambaye ? Umuntu yaremwe kw ishusho y'Imana agashingwa itongo ryiza gurtuo ari ryo yashobora kwiberamwo agakoreramw'ikimuhimbaye cose, agahabwa kuganza vyose, « akaganza n'isi yose. » None Adamu yategereye akamaro k'iryo teka ? None yabandanije kubera Imana icariho kw'isi ? Yagumije ubutware bwiwe ? Hinge turabe ingene yahavuye abigenza.

SATANI AHINDURA IYI SI IGIHOME CIWE GIKOMEYE.

1. Mbe Satani n'abamarayika biwe bagiye hehe bamaze guclibwa mw ijuru ?

Baje mur'iyi si. Ivyahishuwe 12 : 9, « Ca gisato c'amahero kirakororwa, ni co ya nzoka ya mbere, yitwa Murwanizi, irindi ni Satani, ni co kizimiza abari kw isi bose, gikororera kw'isi abamarayika baco bakororanwa naco. » Yobu 1 : 6, 7, « Umu ur'izina abana b'Imana baje bushengereye Uhoro, kandi na Satani yazananye na bo. Uhoro abaza Satani, at' Uvuye hehe ? Satani yishura Uhoro, ati Mvuye gukwiragira mw isi no kuyigendagendamwo. »

2. None Satani yakoze iki mur'iyi si ?

Yabandarije gukora nk'ivyo yahora akora mw ijuru. Yagegeje kuzimiza umuntu wa mbere akesheje ibinyoma, ari we Adamu n'umugore wiwe wa mbere Hawa, kugira ngo ntibizere n'Imana bayigararize. None ivyo vyagenze gute ?

Itanguriro 2 : 15—17, « Uhoraho Imana ajana wa muntu, amushira muri iryo tongo ryo muri Edeni, ngw aririme, ari zigame. Uhoraho Imana abarira uwo muntu, at'igiti cose co mur'iryo tongo ukiryek'uk'ugomba ; arikw igit ikenyeakanisha iciza n'ikibi, ntuz'ukiryeko : kuk'umusi wakiriye, uzopfa nta kabuza. »

Imana yashize ico giti mw itongo kugira ngo umuntu ashobore guhitamwo kugamburukira Imana canke kuyigarariza. Ico gihe Satani yar'azi ico Imana yabwiye Adamu. Niho yaheza akaza mu murima, akihinduramwo inzoka, kugira ngo ashobore kuhenda Adamu na Hawa. (Ivyahishuwe 12 : 9) Satani yitwa « igisato ca kera. »

Yasubiye mu majambo Imana yari yabwiye Adamu na Hawa. Itanguriro 3 : 1, « Inzoka yarusha ubugunge ibikoko vyose vyo mw ishamba Uhoraho Imana yaremye. Ibaza uwo mugore, iti Mbega n'iv'yukuri koko yukw Imana yavuze, ngo Ntimurye ku giti na kimwe co muri iri tongo ? Hawa yishuye iki ? Umugore yishura iyo nzoka, at'Ivyama ku biti vyo muri iri tongo twemererwa kubirya : arikw ivyama ku giti kiri hagati mw itongo niv'Imana yatubujije, ngo ntibiryeko, kugira ngo twoye gupfa. » Itanguriro 3 : 2, 3.

Inzoka ivyuvise yamwishiye iki ?

« Iyo nzoka ibwira umugore, iti Haba n'intete ntimuzopfa ; kukw Imana izi yuk'umusi mwabiriyeko, amaso yanyu azokwi-hweza, mukamera nk'Imana ku vyo kumenya iciza n'ikibi. » Itanguriro 3 : 4, 5.

Ico kinyoma ni co cabaye ikinyoma ca mbere kw isi. Ama-jambo Kristo yavugije kuri Satani, yanditswe muri Yohana 8 : 44, ntatangaje, ati « N'umunyabinyoma kandi ni se wavyo. » Ikibabaje nukw abantu benshi bemera ivyo binyoma vy'uwo mubisha ari we Satani. Ntibizere kw abantu bapfa koko.

3. Mbega umuntu yumviye Satani ?

Egome, uwo mugore yaramuteze amatwi, aramwumvira, arenga amasezerano y'Imana, arasoroma itunda ararirya. Itanguriro 3 : 6, « Uwo mugore abonye ico giti kw ar'ikibereye kuri-bwa, kandi ko gihimbaye mu jisho, ar'igiti co kwifuzwa kimenyesha ubwenge, yamura ku vyo camye, arabirya, ahako n'umugabo wiwe bari kumwe, na we ararya. » Vyateye agahinda. Wabaye umusi uteye Imana na Adamu agahinda. Uwo mugararizo wababaje umutima w'Imana gute ? None yaranse abana bayo bacumuye ? Oya ye. Yarabakunze cane, ndetse iza muri iyi si kuvugana na bo. Arikw bari batewe isoni n'ivyo bari baboza, ntibanezerezwa no kuraba Imana. Baratinye. Itanguriro 3 : 8—10, « Bumva ijwi ry'Uhoraho Imana agendagenda mur'iryo tongo mu gihe c'akayaga ko ku kagoroba : uwo muntu n'umugore wiwe binyegeza mu biti vyo mur'iryo tongo, ng'Uhoraho Imana ntababone. Uhoraho Imana ahamagara uwo muntu, aramubaza, at'Uri hehe ? Aramwihura, ati Nuvise ijwi ryawe mw itongo, ndatinya, kuko ndi gusa, ndinye-

geza. » Nguko uko ubugome bugenza. Budutera uwoboa mu mitima. Ni koko vyababaje Imana, kuko bamwe bo mu bana bayo (abamarayika) bo mw ijuru bari bayigomeye, maze ico gihe abana bayo bo mw isi na bo bakayigojnera. None se Imana yari gukora iki ? Yasezeraniye isezerano ryiza abo bana bayo bayigararije Yari ikibakunze. Yabasezeranije isezerano ryiza tuzokwiga mu cigwa gikurikiyeho.

KUGARARIZA IMANA N'ICAHÀ.

4. Kugarariza Imana no kumvira Satani Bibiliya ivyita iki ?

Vyitwa « icaha » Abaroma 5 : 12, « None rero ko bimeze birtyo, nk'ukw icaha cazanywe mw isi n'umuntu umwe, urupfu rukazanwa n'icaha, nik'urupfu rushika ku bantu bose, kuko bose bakoze ivyaha ». « Kuko, kw Imana itagiriye ikgongwe abamarayika bakoze ivyaha. » 2 Petero 2 : 4, Nta tandukaniro rihari ku bantu canke ku bamarayika bayigararije bakwumvira kandi bakagamburukira Satani, bakoze ivyaha. « Mugacumura k'Uhoraho, ntimwumvire Uhoraho. » Yeremiya 44 : 23. Adamu mu kumviriza Satani akagarariza Imana yarakoze icaha m kurenga amasezerano yayo.

5. Ni tandukaniro ki rigeragara mu muntu wakoze icaha ?

Aba yabaye umuja w'icaha. Aguma mu buja bw'uwamusute mu rudubi. Yohana 8 : 34, « Ukora icaha wese n'umuja w'icaha. » Abaroma 6 : 16, « Ntimizi yuko shobuja mwi haye kuba abagurano bo kumwumvira, muri abagurano b'uwo mwumvira uwo ? »

Kubw'igicumuro c'Adamu, yigize umugurano w'ivyaha, aba umuja wa Satani. Kwumvira Imana y'urukunde yabiguranye kumvira Satani wa munyabinyoma. Yemwe ukuntu iryo gurana riteye akababaro !

ADAMU AHA UMWANSI WIWE IYI SI.

6. Inkurikizi y'icaha c'Adamu ngaha kw isi.

Nk'uko twasomye mu twinjizo, mu vy'ukuri kw irema ry'isi, tubona yuko isi ar'iy'Imana, yayishinze Adamu ngw ayirongore kandi ayibere umwungere. Adamu yar'afise « ubutware » Kukw Imana ari yo yamushinze ubutware bwayo. Amaze kugarariza Imana mu kwumvira Satani; uwo butware bwaicye bwegukira Satani. Luka 4 : 1, 2, 6 « Yesu yajanywe mu bugaragua na Mpwemu,... ageragezwa n'Umurwanizi... Umurwanizi aramubwira, ati Ndaguha ubu bubasha bwose n'ubwiza bwabwo, kuko jewe nabuhawe. » Satani yari amaze kwereka Yesu ubwami bwose bwo mw isi, arangije amwibutsa kw ari we yabugabanye. Kandi Satani yiswe « Umutware w'iyi si. » Yohana 12 : 31., « Non'ubu iyi si iciriwekw iteka, nan'ubu umutware w'iyi si agira ahindirwe hanze. » Kandi Satani yitwa imana y'iyi si. 2 Ab'i Korinto 4 : 4, « ab'imana y'iki gihe yahumye imitima, ng'umuco ntubakire. » Non'ivyo si vyo yakoreye Adamu na Hawa ? Yabahumye imitima na bo ntibizera ijambu ry'Imana. Mur'uko guhumwa imitima bigize abanyagano ba Satani, kandi batanga ubutware

bwabo bwo mur'iyi si. Ariko umusi umwe ubwo butware bu-zogarurwa. Imana ntiamuretse ngw abeho atagira ivyizigiro. Soma Mika 4 : 8, « Na we mutara wo kurabirak'umukuku, umusozi w'umukobwa w'i Siyon, ya nganji ya mbere izokugrukako. »

ADAMU ANYAGWA VYINSHI KUBERA ICAHA CIWE.

7. Adamu anyagwa ubutware bw'isi kubera icaha ciwe, none har'ikindi yabuze ?

Yabuze igisagara ciwe n'itongo . Itanguriro 3 : 23,24. « Nico catumye Uhoraho Imana amukura mur'ryo tongo ryo muri Edeni, ngw aje kurima ivu yavuyemwo. Nuko yirukana uwo muntu ; kandi mu ruhande ruherera i burasirazuba rw'ryo tongo ryo muri Edeni, ahashira abakerubi, bo n'inkota yaka umuriro, itangatanze impande zose, ngw itangire inzira ija kuri ca giti c'ubugingo. » Mu murongo wa 22 w'iki gice dusoma yuko, iyo Adamu aza kurya kuri ico giti c'ubugingo cari ngaho mur'ityo tongo, yari kubaho imyaka yose. Imana imwirukana mur'ryo tongo, kuko yari yamaze kumubwira, iti « N'ukuri uzopfa. » Adamu rero abura ubuhirwe budahera, kubera ico caha, kuko yarenze ivyiza ntangere yari yamugeneye. Abroma 6 : 23, « Ingero y'icaha n'urupfu. » Mbega iyo n'ingero yokwifuzwa ? BIRAGAHERA

8. N'iyyihe nkurikizi y'igicumuro c'Adamu ?

Adamu amaze kugarariza Imana, isi yaciye imera imikere, amahwa n'ibitovu ; turets'e ivyo, ibikorwa vyamubanye vyinshi mu kuronka ibimutunga akabira akuya, tutibagiye ko yar'afise n'akabonge kenshi. Dusoma mw Itanguriro 3 : 17—19, ngo « Abarira Adamu na we , ati Ko wumviye umugore wawe, ukarya ku giti nari narakubujije, nti Ntuze ukiryeko : uzaniye ivu umuvumo ; uzokwama urya ibirivamwo ubirubiye, imisi yose y'ukugaho kwave ; rizohora rikumerera imikere n'Ibitovu, ariko uzotungwa n'ibirimano vyo mu ndimiro ; kwirirwa urabira akuya niko kuzoguhesha ivyokurya uz'unrunde usubira mw ivu, kukw ari ryo wakuwemwo : ur'umukungugu, kand' umukungugu ni wo uzosubiramwo. »

Adamu atarakora icaha yarakora imirimo yiwe abungabunga umurima wo mw Edeni, ariko gukora imirimo aganzwa n'umuvumo, ntibihwanye no kuwukora aganzwa no kumvira Imana no kwera. Imana yari izi ko umuntu adakoze azohava ayibagira, maze akayicumurako. Imana ref'o yemera ko imikere n'ibitovu bimera, kugira ngo umuntu arye abanje kubira akuya ; ho rero amaganya, agahinda vyamwuzuye umutima. None mvira kw iryo hinduka ryabaye iry'ubwenge ? Imibereho y'u mezero, igisagara ciwe c'igikundiro, ubuzima bwiwe buhoraho, vyarahindutse bisubirirwa n'amaganya, n'amagorwa n'agahinda n'urupfu. None, ar'ukumvira Imana no guhabwa ku migisha yayo , ari no kumvira Satani, tukavumwa imivumo yose, ikirushiriza kuba ciza n'ikihe ? Wa musomyi we, ukwiriye kwigira inama y'ic'uhisemwo. Yosuwa 24 : 15, « Uyu musi nimwitoranirize uwo muzosaba... ariko jeho n'abo mu rugo twanje tuzokwama tugandanira Uhoraho. »

Umusi umwe ubu butware buzonyagwa Satani, maze umuntu yongere amere nk'uko yar'ameze mbere. Imana ntiyadutaye tudafise ivyizigiro, uko gusubizwa ubutware bwari bwaranya-
zwe niko kuzoba ishimikiro ry'icigwa cacu kizokurikira, ic-
gisho kigutera ivyizigiro, ubutware n'amahoro mu mutima waw

ITEGEREZE NEZA : Ukoresho Bibiliya hamwe n'icigwa. Ikibazo cose gifise INYISHU IMWE GUSA. Wandike X mu kazu k'inyishu y'ukuri. Ntihagire ikintu wandika mu tundi tuzu tubiri dusigaye. Raba akarorero ku kibazo ca 1 c'icigwa ca 1.

IBIBAZO VY'ICIGWA CA 5.

1. Umuntu wa mbere ni nde ?

- A. Umuntu wa mbere yitwa Nikodemo.
- B. Umuntu wa mbera yitwa Adamu.
- C. Umuntu wa mbere yitwa Aburahamu.

2. Satani yahenze abavyeyi bacu ba mbere.

- A. Satani yaje mw itongo rya Edeni asa n'intambwe.
- B. Satani yaje mw itongo rya Edeni asa n'umumarayika.
- C. Satani yaje mw itongo rya Edeni asa n'inzoka.

3. Adamu amaze gucumura yabuze iki ?

- A. Adamu amaze gucumura yabuze umugore wiwe Hawa.
- B. Adamu amaze gucumura yabuze urukundo rw'Imana
- C. Adamu amaze gucumura yabuze ubutware bw'iyi si.

4. Igihano ca Adamu.


- A. Igicumuro ca Adamu camuzaniye akanyamuneza.
- B. Igicumuro ca Adamu camuzaniye uburuhe.
- C. Igicumuro ca Adamu camuzaniye ubuzima budahera.

5. Urukundo Imana ikundaabantu.

- A. Imana yanse Adamu na Hawa bamaze gucumura.
- B. Imana yabemereye umucunguzi.
- C. Imana yaciye yica Adamu na Hawa.

TABURA NGABA

**IJWI RY'UBUHANUZI
ISHURI RYA BIBILIYA MWIPOSTA
B.P. 1710, Bujumbura
Burundi.**



Izina.....



Ah'uba

.....